


## LJUDSKA PRAVA INTERSPOLNIH OSOBA



### PRAVNI OKVIR

Bosna i Hercegovina je i dalje jedna od rijetkih zemalja u Evropi koja je eksplicitno zaštitila interseksualne osobe zabranom diskriminacije na osnovu spolnih karakteristika. Međutim, još uvijek nisu uspostavljene jasne medicinske smjernice i procedure o tome kako treba postupati u različitim slučajevima interseksualnosti, koje bi važile za sve medicinske ustanove u BiH i spriječile tzv. medicinsku normalizaciju spola, odnosno medicinske i hirurške tretmane odmah po rođenju, bez obzira na to što zdravlje djeteta nije ugroženo.



### INSTITUCIONALNO DJELOVANJE

Na našu inicijativu, u Gender akcionom planu Kantona Sarajevo za period od 2019. do 2022. godine određeni su ciljevi i aktivnosti kantonalnih institucija za ovaj period, među kojima je i Unaprijeđeno seksualno i reproduktivno zdravlje, gdje su se našle i aktivnosti: Izraditi vodič za zdravstvene radnike kako na najbolji način da se postupa sa transrodnim i interseksualnim osobama; Pravno urediti medicinske i pravne postupke u slučaju interseksualnosti, tako što će se izraditi Pravilnik o prilagodbi spola u medicinskim institucijama u KS; koje Ministarstvo zdravstva treba sprovesti do kraja 2020. godine.

### DRUŠTVENA STVARNOST

Istraživanje SOC-a iz 2017. o problemima i potrebama LGBTI osoba pokazalo je, prije svega, da su interseksualne osobe i dalje nevidljive te da je teško doći do sagovornika\_ca spremnih da pričaju o svojim problemima. Također, pokazalo se da je unutar LGBTI zajednice problem prisilne operacije interseksualnih osoba shvaćen veoma ozbiljno.